

Proposta de alcaldía

Logo de ver a memoria técnica redactada polo enxeñeiro técnico agrícola José María Escudero Tomás "**Mellora e acondicionamento de camiño en Seoane, pq. Traslite**".

Proponse a súa adxudicación como contrato menor, de conformidade co disposto na vixente lexislación de contratos das administracións públicas. Non obstante, á vista do importe das obras, e do disposto na normativa reguladora en materia de contratación pública solicitaranse ofertas ao respecto. A adxudicación recaerá no licitador xustificadamente elexido polo órgano de contratación, tras efectuar consultas con empresas en orde á adxudicación das obras.

A figura do contrato menor está definida polas contías (cando se trate de contratos de obras 50.000 euros) que sinala o [art. 138.3](#) do que establece que os contratos menores poderán adxudicarse directamente a calquera empresario con capacidade de obrar e que conte con a habilitación profesional necesaria para realizar a prestación.

Segundo prevé o

*"1. Nos contratos menores definidos no artigo 138.3, a tramitación do expediente só esixirá a aprobación do gasto e a incorporación da factura correspondente, ...*

*2. No contrato menor de obras, deberá engadirse, ademáis, o presuposto das obras, sen prexuízo de que deba existir o correspondente proxecto cando normas específicas así o requiran. ...."*

No proxecto das obras, sinálase como como valor estimado do contrato o importe de 16.166,20 €, ao que hai que engadir 3.324,90 € de IVE, do que resulta un importe total de 19.561,10 €. Entenderase que os contratistas, ao formular as súas propostas, en relación co importe do imposto sobre o valor engadido, debe indicarse como partida independente, de conformidade co disposto no art. 87 do Real Decreto lex. 3/2011 e modelo de oferta económica do presente prego

As ofertas presentadas valoraranse obxectivamente atendendo ós seguintes criterios de adxudicación:

- Prezo: ata 10 puntos; As ofertas presentadas valoraranse obxectivamente atendendo a criterios de proporcionalidade matemática, é dicir, outórgaselle a maior puntuación á empresa que

mellor oferta realice, e aos restantes en proporción a ésta, por regra matemática de tres.

- Menor prazo de execución: ata 5 puntos. As ofertas presentadas valoraranse obxectivamente atendendo a criterios de proporcionalidade inversa matemática, é dicir, outórgaselle a maior puntuación á empresa que menor prazo de execución ofrezca, e aos restantes en proporción a ésta, por regra matemática de tres

- Prazo de garantía e conservación da obra: ata 5 puntos. As ofertas presentadas valoraranse obxectivamente atendendo a criterios de proporcionalidade matemática, é dicir, outórgaselle a maior puntuación á empresa que mellor prazo de garantía e conservación ofrezca, e aos restantes en proporción a ésta, por regra matemática de tres.

Na data na que se inicien os traballos, o contratista queda obrigado a colocar á súa costa os carteis e sinais relacionados coa obra, para salvagardar a seguridade do tráfico de vehículos e persoas.

A dirección e inspección das obras correspóndelle ós servizos técnicos municipais, que ditarán as instrucións necesarias ao contratista para a normal e eficaz realización daqueles e sinalará o ritmo de execución conveniente, mediante as anotacións correspondentes. Non obstante, o Sr. Alcalde, poderá inspeccionar as obras cando o estime oportuno, ou ben encomendar estas funcións a técnicos designados polo concello.

Polo exposto, proponse

Solicitar ofertas económicas a Construcciones Ayán, SL; Crescon 2000, SL; Goretty Loureiro López, Antonio Fernández López con suxeición ás cláusulas que figuran como anexo I.

A Pobra de San Xiao (Láncara) 23 de maio de 2016

O alcalde

Darío A. Piñeiro López

Documento asinado electronicamente á marxe (Lei 11/2007, de 22 de xuño, de acceso electrónico dos cidadáns ós servizos públicos)

## ANEXO I

**Prazo de execución.**- o prazo para a execución dos investimentos estímase en TRES meses, desde o inicio das obras, segundo o proxecto das obras.

O prazo de execución é improrrogable.

**Capacidade para contratar.**- poderán concurrir por si mesmas, ou por medio de representantes as persoas naturais ou xurídicas, que tendo plena capacidade de obrar non estean comprendidas nalgunha das circunstancias que enumera o art. 60 do R.D. lex 3/2011.

**Proposicións: lugar e prazo de presentación.**- as proposicións para participar presentaranse no lugar e prazo que se indican, dentro do prazo dos oito días naturais, contados a partir do día seguinte ao da recepción da invitación, de nove a catorce horas e en dous sobres pechados, asinados polo licitador ou persoa que o represente, e coa documentación e requisitos esixidos nos pregos.

Tamén poderán presentarse nos rexistros e oficinas a que se refire o art. 38 da Lei 30/92, de 27 de novembro. Neste caso, deberase acreditar ante o órgano de contratación, co resguardo correspondente, a data de imposición de envío nas citadas dependencias e anunciar o mesmo día ao órgano de contratación por fax ou telegrama a remisión da proposición por tales medios, que deberá recibirse no concello antes das 14 horas do último día do prazo de presentación. No caso de que transcurran tres días naturais desde a data de remate do prazo de presentación, non será admitida ningunha proposición.

**Proposicións.**- en canto á documentación administrativa que acompañe á presentación das proposicións **SOBRE A**, de conformidade co disposto na modificación pola lei 14/2013 de 27 de setembro, a achega inicial da documentación administrativa, substituirase por unha declaración responsable do licitador indicando que se cumpren as condicións establecidas legalmente para contratar coa administración, segundo o modelo que se transcribe a continuación:

### **«MODELO DE DECLARACIÓN RESPONSABLE**

D. \_\_\_\_\_, con domicilio a efectos de notificacións en \_\_\_\_\_, r/ \_\_\_\_\_, n.º \_\_\_\_, con DNI n.º \_\_\_\_\_, en representación da Entidade \_\_\_\_\_, con CIF n.º \_\_\_\_\_

---

### **Concello de Lán cara**

\_\_\_\_\_, a efectos da súa participación na licitación  
\_\_\_\_\_, ante \_\_\_\_\_

**DECLARA BAIXO A SÚA RESPONSABILIDADE:**

**PRIMEIRO.** Que se dispón a participar na contratación das obras de  
\_\_\_\_\_.

**SEGUNDO.** Que cumpre con todos os requisitos previos esixidos polo apartado primeiro do art. 146 do Texto Refundido da Lei de Contratos do Sector Público para ser adxudicatario do contrato de obras consistente en \_\_\_\_\_, en concreto:

- Que posúe personalidade xurídica e, se é o caso, representación.
- Que ten capacidade de obrar e conta coa habilitación profesional necesaria a pra realizar a prestación, e conta cos requisitos de solvencia económica, financeira e técnica ou profesional.
- Que non está incurso nunha prohibición para contratar das recollidas no art. 60 do Texto Refundido da Lei de Contratos do Sector Público e encóntrase ao corrente do cumprimento das súas obrigacións tributarias e coa Seguridade Social impostas polas disposicións vixentes.
- Que se somete á Xurisdición dos Xulgados e Tribunais españois de calquera orde, para todas as incidencias que de modo directo ou indirecto puidesen xurdir do contrato, con renuncia, no seu caso, ao foro xurisdiccional estranxeiro que puidese corresponder ao licitador. (No caso de empresas estranxeiras)
- Que o enderezo de correo electrónico en que efectuar notificacións é \_\_\_\_\_.

**TERCEIRO.** Que se compromete a acreditar a posesión e validez dos documentos a que se fai referencia no apartado segundo desta declaración, no caso de que sexa proposto como adxudicatario do contrato ou en calquera momento en que sexa requirido para iso.

E para que conste, asino a presente declaración.

En \_\_\_\_\_, a \_\_\_ de \_\_\_\_\_ de 20\_\_.

Sinatura do declarante,

En todo caso, o licitador en quen recaia a proposta de adxudicación deberá acreditar previamente á adxudicación a posesión e validez dos documentos esixidos. En calquera caso, o órgano de contratación, en orde a garantir a boa fe do procedemento, poderá recabar en calquera momento anterior á

adopción da proposta de adxudicación que os licitadores acheguen documentación acreditativa do cumprimento das condicións para ser adxudicataria. O momento decisivo para apreciar a concorrencia dos requisitos de capacidade e solvencia esixidos para contratar coa administración será o de finalización do prazo de presentación de solicitudes.

A documentación que presentará o proposto como adxudicatario haberá de ser orixinais, admitíndose non obstante, copias dilixenciadas, nas que se faga constar que foron compulsadas cos seus orixinais, consistindo na que a continuación se relaciona:

O **SOBRE B: Subtitulado: "Oferta económica"**.- conterá a proposición económica formulada conforme ao modelo que se transcribe a continuación:

D./D<sup>a</sup> \_\_\_\_\_ con enderezo en rúa \_\_\_\_\_ nº \_\_\_\_\_ teléfono \_\_\_\_\_ con DNI (o pasaporte ou documento que o substitúa) nº \_\_\_\_\_ actuando en nome propio (ou en representación de \_\_\_\_\_ DNI ou CIF nº \_\_\_\_\_ e con enderezo en \_\_\_\_\_ nº \_\_\_\_\_ teléfono \_\_\_\_\_) toma parte no procedemento para a adxudicación da execución das obras comprendidas no proxecto de ..... e a estes efectos fai constar.

1º.- Que ofrece o seguinte prezo:

- A ) Prezo sen IVE..... euros) .  
B ) Imposto sobre o valor engadido (IVE )..... euros  
C ) TOTAL ( A+ B ) .....EUROS

2º.-Que coñece e acepta cantas obrigas se deriven dos pregos de cláusulas administrativas particulares do presente contrato

3.- Que ofrece as seguintes condicións adicionais en relación coa materia do proxecto:

- a) Prazo de execución \_\_\_\_\_  
b) Prazo de garantía e conservación \_\_\_\_\_.

4º.- Que acompaña a documentación esixida no prego de cláusulas administrativas particulares, comprometéndose á presentación da documentación administrativa que sexa requerida no caso de resultar adxudicatario das obras- .

\_\_\_\_\_ , \_\_\_\_\_ de \_\_\_\_\_ de 200\_\_

---

**Concello de Láncara**

*O LICITADOR (Asinado e rubricado)*

**Apertura de propostas e adxudicación.**- Para a valoración das ofertas, e a determinación da que sexa economicamente máis ventaxosa atenderase aos seguintes criterios:

- Prezo: ata 10 puntos; As ofertas presentadas valoraranse obxectivamente atendendo a criterios de proporcionalidade matemática, é dicir, outórgaselle a maior puntuación á empresa que mellor oferta realice, e aos restantes en proporción a ésta, por regra matemática de tres.
- Menor prazo de execución: ata 5 puntos. As ofertas presentadas valoraranse obxectivamente atendendo a criterios de proporcionalidade inversa matemática, é dicir, outórgaselle a maior puntuación á empresa que menor prazo de execución ofrezca, e aos restantes en proporción a ésta, por regra matemática de tres
- Prazo de garantía e conservación da obra: ata 5 puntos. As ofertas presentadas valoraranse obxectivamente atendendo a criterios de proporcionalidade matemática, é dicir, outórgaselle a maior puntuación á empresa que mellor prazo de garantía e conservación ofrezca, e aos restantes en proporción a ésta, por regra matemática de tres.

**Acta de comprobación do trazado de planta.**- dentro do prazo de dez días seguintes á recepción da notificación da adxudicación, efectuarase a comprobación do trazado de planta, na data en que a administración sinale, quedando obrigado o contratista, a acudir e subscribir a correspondente acta. Se o contratista non acude, sen causa xustificada, ao acto de comprobación de trazado de planta, a súa ausencia considerarase como incumprimento do contrato. O contratista deberá iniciar as obras dentro dos quince días seguintes ao da sinatura do acta de comprobación, debendo efectuar a apertura do centro de traballo e as obrigas que correspondan coa autoridade laboral.

Cando o resultado da comprobación do trazado de planta demostre a posesión e disposición real dos terreos, a súa idoneidade e viabilidade do proxecto, a xuízo do director das obras, e sen reserva por parte do contratista, darase a autorización para iniciar as obras, facéndose constar este punto explicitamente no acta redactada; polo feito de subscribir a acta queda notificado o contratista, empezando a contar o prazo de execución das obras desde o día seguinte ao da súa sinatura. O contratista non pode ocupar os terreos afectados pola obra, ata recibir a orde correspondente da dirección.

---

**Concello de Láncara**

**Carteis e sinais.**-na data na que se inicien os traballos, o contratista queda obrigado a colocar á súa costa os carteis e sinais relacionados coa obra, e a instalar á súa costa as sinais indicativas de obras, perigo, precaución, desviación, etc, de conformidade co disposto no Código da Circulación e na normativa de Prevención de Riscos Laborais, así como á adopción das precaucións precisas desde o comezo das obras ata a súa total terminación, sendo persoalmente responsable dos accidentes motivados por incumprimento desta cláusula.

A Pobra de San Xiao (Láncara), 20 de maio de 2016

Documento asinado electronicamente á marxe (Lei 11/2007, de 22 de xuño, de acceso electrónico dos cidadáns ós servizos públicos